



SLUŽBENE NOVINE OPĆINE KAKANJ

IZDAVAČ: Općina Kakanj GODINA XV	Broj 9/2011 Datum: 13.10.2011. Akti: 151 – 166	GRAFIČKA PRIPREMA I ŠTAMPA: STRUČNA SLUŽBA ZA POSLOVE OPĆINSKOG VIJEĆA
--	--	--

151.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-241/11

Kakanj, 27.09.2011. godine

Na osnovu člana 2. Zakona o osnovama sigurnosti saobraćaja na putevima u Bosni i Hercegovini („Službeni glasnik BiH”, broj: 6/06, 75/06, 44/07, 84/09 i 48/10), člana 8. i 13. Zakona o principima lokalne samouprave u Federaciji Bosne i Hercegovine („Službene novine F BiH”, broj: 49/06 i 51/09) i člana 24. Statuta Općine Kakanj („Službene novine Općine Kakanj”, broj: 4/08) Općinsko vijeće na 34. sjednici održanoj dana 27.09.2011. godine donijelo je

O D L U K U

o organizaciji i sigurnosti saobraćaja na putevima

I - OPĆE ODREDBE

Član 1.

Ovom Odlukom propisuju se uvjeti i pravila sigurnosti i organizacije saobraćaja na javnim saobraćajnim površinama u općini Kakanj (u daljem tekstu: Odluka), te mjere za njihovo provođenje.

Član 2.

Javnim saobraćajnim površinama u smislu ove Odluke smatraju se: lokalne i nerazvrstane ceste, ulice, trgovi, javni prijelazi, trotoari, biciklističke staze, mostovi, potputnjaci, natputnjaci, tuneli,

pakirališta, ostavilišta za bicikle i bicikle sa pomoćnim motorom, javne garaže, podhodnici, nadhodnici, stajališta i terminali javnog gradskog saobraćaja i slične površine.

Pod užim gradskim područjem podrazumijevaju se ulica Alije Izetbegovića, Ulica branilaca, Ulica šehida, ulica 7. muslimanske brigade i ulica Zeničkog partizanskog odreda.

Član 3.

Saobraćaj na javnim saobraćajnim površinama dopušten je svakom pod jednakim uvjetima u granicama propisanim zakonom i ovom Odlukom.

Član 4.

Svi subjekti koji određuju i provode saobraćajnu politiku dužni su stalno osiguravati uvjete za sigurno i nesmetano odvijanje saobraćaja.

II – ORGANIZACIJA I REGULACIJA SAOBRAĆAJA

Član 5.

Na osnovu mjera iz ove Odluke utvrđuje se režim odvijanja saobraćaja na užem gradskom području definiran saobraćajnim projektom ili drugim aktom.

Saobraćaj na javnim cestama van užeg gradskog područja definira se saobraćajnim projektima tih cesta i ovom Odlukom.

Poslove praćenja organizacije i regulacije saobraćaja vrši nadležna služba općine Kakanj. Izmjene i dopune saobraćajnog projekta vrši Općinski načelnik, na prijedlog nadležne općinske službe.

Član 6.

Tehničkom regulacijom saobraćaja u smislu ove Odluke smatra se postavljanje, uklanjanje, zamjena i održavanje saobraćajne signalizacije (horizontalne, vertikalne i svjetlosne) i opreme na javnoj cesti ili ulici.

Tehnička regulacija horizontalne, vertikalne i svjetlosne saobraćajne signalizacije vrše institucije koje upravljaju putevima na osnovu saobraćajnog projekta.

Saobraćajni znakovi i oprema na putu se postavljaju i održavaju na osnovu rješenja nadležnog organa.

Član 7.

Nadležna služba općine može privremeno zabraniti ili ograničiti saobraćaj na lokalnoj cesti ili ulici koja je u nadležnosti općine ako se izvode radovi na rekonstrukciji ili popravci javne ceste, ulice, objekata i instalacija uz cestu ili ulicu i ako se isti ne mogu izvesti bez obustave saobraćaja.

Nadležna služba općine će aktom kojim odobrava obustavu saobraćaja, odrediti vrijeme u kojem se saobraćaj obustavlja u zavisnosti od opterećenja saobraćaja, te potrebe za izvođenje planiranih radova.

Za radove redovnog održavanja nije potrebno izdavati saglasnost o posebnom režimu odvijanja saobraćaja.

Član 8.

Zavod za planiranje i izgradnju općine Kakanj (u daljem tekstu Zavod) je dužan u okviru svojih nadležnosti voditi računa:

1. o tehničkoj regulaciji saobraćaja na ulicama užeg gradskog područja,
2. o ispravnosti saobraćajne signalizacije i opreme na ulicama užeg gradskog područja i
3. o stanju i održavanju saobraćajnih površina užeg gradskog područja.

Zavod je dužan godišnje izvještavati Općinsko vijeće o stanju saobraćajnih objekata na ulicama užeg gradskog područja.

Član 9.

Nadležna Policijska stanica prati stanje sigurnosti saobraćaja na području općine,

preduzima mjere sigurnog odvijanja saobraćaja, sigurnosti regulacije saobraćaja i druge mjere iz njene nadležnosti.

Nadležna Policijska stanica dužna je godišnje izvještavati Općinskog načelnika i Općinsko vijeće o stanju sigurnosti saobraćaja na području općine.

Član 10.

Osim propisanih saobraćajnih znakova na cesti je dozvoljeno postavljanje i drugih znakova, informacija, reklamnih panoa i natpisa uz odgovarajuću naknadu.

Postavljanje znakova, informacija, reklamnih panoa i natpisa odobrava Služba za urbanizam, geodetske i imovinskopravne poslove.

Član 11.

Prilikom zauzimanja javnih saobraćajnih površina moraju biti zadovoljeni sljedeći saobraćajni uvjeti i ograničenja:

1. širina slobodnog prolaza za pješake mora iznositi najmanje 1,6 metara i
2. ne smije se ugrožavati ugao preglednosti na raskršću, protočnost ili sigurnost prostornog ili pješačkog saobraćaja.

III – KRETANJE PO JAVNIM SAOBRAĆAJNIM POVRŠINAMA**Član 12.**

Ako pješaci po ulicama i putevima užeg gradskog područja nose predmete duže od 3 (tri) metra, ti predmeti moraju biti na krajevima vidno obilježeni.

Član 13.

Dječija kolica u kojima se prevoze djeca kao i lica koja voze dječija kolica, te invalidna lica koja se kreću u invalidskim kolicima kao i lica koja voze invalidna lica u kolicima moraju se kretati trotoarima ili po drugim površinama namjenjenim kretanju pješaka.

Član 14.

Učesnici u saobraćaju prema invalidnim, slijepim i nemoćnim licima, te djeci, kao i licima koja prate ili prevoze invalide i djecu trebaju postupati sa najvećom pažnjom.

1. 1. Brzina kretanja**Član 15.**

Na užem gradskom području i drugim naseljenim mjestima općine vozila se ne smiju kretati većom brzinom od 50 km/h, odnosno brzinom većom od dozvoljene postavljenim saobraćajnim znakom za cijelo naselje ili njegov dio.

Član 16.

Početak i završetak naseljenog mjesta, kao i ograničenja brzina kretanja vozila moraju se obilježiti odgovarajućim saobraćajnim znakom.

1.2. Prvenstvo prolaza**Član 17.**

Prvenstvo prolaza vozila određuje se u načelu u ulicama koje predstavljaju osnovu saobraćajne mreže.

Ulice koje se obilježavaju kao ceste s prvenstvom prolaza su: Alije Izetbegovića, Branilaca, 311. lahke brigade, Selima ef. Merdanovića, 7. muslimanske, Rudarska, Mehmeda Skopljaka, Melente Bošnjaka i 4.juli.

1.3. Jednosmjerene ulice**Član 18.**

Ulice u kojima se saobraćaj odvija u jednom smjeru su: dio ulice Alije Izetbegovića ispod objekta slastičarna "Egipat"→"Đuđin most"→do objekta hemijska čistionica (lamella I), dio ulice Alije Izetbegovića ispod ugostiteljskog objekta "S&M-P" → do ulice prema javnim preduzećima, dio ulice od zelene pijace →iznad objekta IK Banke →do zgrade starog Elektra→iznad zgrada M→do blizine gradskog displeja, dio tzv Male ulice od raskrsnice preko puta objekta "Capone"→do raskrsnice sa ulicom ZPO, ulica pored objekta "Capone"→do krajnjeg gabarita zgrade općine (objekat DSM-a), dio ulice od Alije Izetbegovića→ pored ugostiteljskog objekta "S&M-P", na taksistajalištu Stara autobuska stanica od mosta na rijeci Zgošći →prema izlazu do objekta zanatski centar, ulica 309.brdske brigade od raskrsnice sa ulicom Rudarska→ do ulice Osmana Džafića, ulica

Osmana Džafića od ulice 309.brdske brigade →do ulice Melente Bošnjaka, ulica Rudi Čajavec od raskrsnice sa ulicom Osmana Džafića →do raskrsnice kod objekta "Šumonjička voda".

1.4. Ograničenja saobraćaja**Član 19.**

U pješačkoj zoni koja je označena odgovarajućom saobraćajnom signalizacijom zabranjeno je kretanje vozila.

Član 20.

Zabranjen je saobraćaj teretnim motornim vozilima u sljedećim ulicama:

1. ulica Alije Izetbegovića od raskrsnice Centar do raskrsnice kod objekta Konzum osim vozila za snabdjevanje i
2. na dijelu ceste od džamije u naseljenom mjestu Donji Kakanj do raskrsnice za naselje Mramor

Zabranjen je saobraćaj za teretna motorna vozila koja vuku priključno vozilo osim poluprikolice na području naseljenih mjesta Brnjic kao i na lokalnoj cesti od taksi-stajališta kino Radnik do naselja Tršće.

Član 21.

Zabranjeno je na svim saobraćajnim površinama ostavljati oštećena, dotrajala ili neregistrirana vozila.

Član 22.

Vuča neispravnih vozila na užem gradskom području nije dozvoljena u vremenu od 06⁰⁰ do 08⁰⁰ i od 14⁰⁰ do 16⁰⁰ sati.

Član 23.

Policajska stanica odredit će pravac kretanja i mjesta na kojima se mogu zadržavati vozila koja vrše prevoz opasnih materija.

Vozila koja prevoze opasne materije ne smiju se zadržavati na području općine suprotno stavu 1. ovog člana.

Član 24.

Na dijelu užeg gradskog područja nije dozvoljeno kretanje zaprežnim vozilima, kao i gonjenje stoke u krdu, stada ili pojedinačno.

Izuzetno od stava 1. može se dozvoliti kretanje fijakera i drugih tradicionalnih bosanskih vozila

prilikom kulturnih i drugih manifestacija uz odobrenje nadležne općinske službe.

Član 25.

Ulicama u kojima je za sve ili pojedine vrste vozila zabranjen saobraćaj mogu se kretati:

1. vozila za hitnu pomoć, vatrogasna vozila, policijska vozila, vozila pod pratnjom, samo kad posebnim uređajima daju svjetlosne i zvučne znakove,
2. vozila inspeksijskih organa kada vrše inspeksijski pregled,
3. vozila invalida sa oštećenjem donjih ekstremiteta, ako im to vozilo služi kao pomagalo u kretanju,
4. vozila za prijevoz posmrtnih ostataka,
5. vozila komunalne organizacije koja služe za održavanje kanalizacije, vodovoda, električnih, telefonskih instalacija, instalacija daljinskog grijanja, održavanje čistoće u vremenu od 22⁰⁰ do 09⁰⁰ sati, vozila televizije i poštanska vozila, kada obavljaju radnje za koje su namijenjena,
6. vozila za pružanje tehničkih pomoći na putevima i
7. vozila za slučaj hitnih intervencija.

Član 26.

Kretanje autobusa na kantonalnim, federalnim, međuentitetskim i međunarodnim autobuskim linijama dozvoljeno je do i od autobuske stanice Kakanj pravcima: petlja Kakanj (Motel »Sretno«)→ul. 311.lahke brigade→autobuska stanica i obratno i regionalnom cestom RC 445→ul. Selima ef. Merdanovića→ autobuska stanica i obratno.

Član 27.

Autobusi koji saobraćaju na prigradskim općinskim, kantonalnim, federalnim, međuentitetskim i međunarodnim autobuskim linijama, kao i autobusi koji vrše vanlinijski prijevoz putnika i taksi prijevoznici, ne smiju stajati na stajalištima javnog gradskog prijevoza.

Izuzetno, nadležna služba može odobriti da autobusi sa pojedinih prigradskih općinskih linija mogu stajati na pojedinim stajalištima javnog gradskog prijevoza i na drugim mjestima.

IV - ZAUSTAVLJANJE I PARKIRANJE VOZILA

Član 28.

Zaustavljanje i parkiranje motornih vozila na javnim cestama i ulicama u naseljenim mjestima može se vršiti samo na način određen propisima o sigurnosti saobraćaja na putevima i ovom Odlukom.

Član 29.

Na području užeg gradskog područja zabranjeno je parkiranje autobusa, teretnih vozila preko 2,5 tone najveće dozvoljene mase, kamp prikolica kao i teretnih vozila fizičkih lica koja vrše javni prijevoz stvari i prijevoz za vlastite potrebe, osim na posebnim mjestima (parkiralištima) koje odredi nadležna Služba.

Član 30.

Za parkiranje vozila na području užeg gradskog područja utvrđuju se javna parkirališta.

Javno parkiralište je označena javna površina namijenjena isključivo za parkiranje vozila, koju kao takvu odredi nadležna služba.

Član 31.

Opća parkirališta su mjesta na kojima se mogu parkirati putnička motorna vozila, kombi i teretna motorna vozila do 3,5 tone dozvoljene mase.

Posebna parkirališta su mjesta na kojima se mogu parkirati vozila određene kategorije, vrste i namjene.

Rezervisani prostor za parkiranje vozila je onaj prostor koji se rezerviše isključivo za parkiranje od strane pojedinih organa, preduzeća ili drugih pravnih i fizičkih lica.

Član 32.

Općinsko vijeće Kakanj odlukom povjerava Javnom preduzeću „VODOKOM“ d.o.o. Kakanj (u daljem tekstu Javno preduzeće) na upravljanje i korištenje javne površine na kojima se organizuje pružanje usluga parkiranja vozila.

Javna parkirališta mogu biti parkirališta uz naplatu i parkirališta bez naplate.

Član 33.

Nakon prijema javnih parkinga na upravljanje i korištenje Javno preduzeće u skladu sa zakonskim, općinskim i vlastitim aktima organizuje pružanje usluga parkiranja motornih vozila uz naplatu.

Član 34.

Javno preduzeće organizuje naplatu usluga parkiranja vozila, svakim danom osim nedjelje, u vremenu od 07⁰⁰ sati do 22⁰⁰ sata.

Član 35.

Organizacija naplate javnih parkinga vrši se u dvije zone i to:

Zona I - obuhvata ulicu Alije Izetbegovića i pripadajuće joj javne parkinge i

Zona II - obuhvata ulicu branilaca i pripadajuće joj javne parkinge, ulicu šehida i pripadajuće joj javne parkinge te ostali parkinzi užeg gradskog područja

Član 36.

Cijene usluga parkiranja motornih vozila utvrđuju se prema zonama, pri čemu cijene predlaže Uprava javnog preduzeća.

Nadzorni odbor preduzeća donosi odluku o cijenama usluga parkiranja vozila na koju Općinsko vijeće daje saglasnost.

Član 37.

Javna parkirališta na kojima se naplaćuju usluge parkiranja moraju biti propisno obilježena i imaju na vidnom mjestu istaknuto obavještenje koje sadrži: zonu, vrijeme naplate i kategoriju motornih vozila koja se mogu parkirati na tim parkiralištima.

Član 38.

Javno preduzeće dužno je na svakom javnom parkiralištu uz naplatu osigurati namijenjen parking prostor za parkiranje vozila za invalidna lica.

Parking prostor iz stava 1. ovog člana namijenjen je za vozila koja posjeduju međunarodni znak "Znak za pristupačnost" samo uz prisutnost nosioca tog prava i kada je vidno istaknut.

Član 39.

Na javnom parkiralištu sa naplatom broj rezervisanih parking mjesta ne smije preći procenat

od 60% od ukupnog broja parkirnih mjesta u toj ulici.

Član 40.

Javno preduzeće će obezbijediti odgovarajući broj parkinga namijenjenih za zakup i rezervaciju za stanare i privredne subjekte.

Zakup parkinga sa rezervacijom može se izvršiti na period od godinu ili mjesec dana.

Član 41.

Parking mjesta sa rezervacijom obilježavaju se horizontalnom saobraćajnom signalizacijom uz naznaku slova „R“ (rezervisano) i odgovarajućeg serijskog broja.

Član 42.

Javno preduzeće pružanjem usluga parkiranja ne vrši čuvanje vozila i ne odgovara za bilo kakav oblik oštećenja koji može nastati na vozilima koja su parkirana na javnim parkinzima kao i za slučajeve otuđenja vozila.

Član 43.

Vozač ne smije da zaustavi ili parkira vozilo:

1. na raskrsnici i na razdaljini manjoj od pet metara od najbliže ivice poprečnog kolovoza,
2. na mjestu na kojem bi vozilo zaklanjalo postavljene saobraćajni znak ili uređaj za davanje svjetlosnih saobraćajnih znakova,
3. na dijelu kolovoza koji je kao stajalište za vozila javnog saobraćaja obilježen saobraćajnim znakom i oznakama na kolovozu,
4. prolazima i ulazima škola, ustanova, preduzeća, stambenih zgrada i drugih objekata i iznad priključka na vodovodnu mrežu i ulaza u kanalizacionu ili drugu mrežu komunalnih organizacija,
5. mjestu na kome bi parkirano vozilo onemogućilo pristup drugom vozilu radi parkiranja ili izlazak nekom već parkiranim vozilu,
6. trotoaru, odnosno na pješačkoj stazi, ako to nije izričito regulisano saobraćajnim znakom, a ako je parkiranje dozvoljeno, mora da se ostavi najmanje 1,6 m širine na površini za kretanje pješaka, s tim što ta površina ne može da bude uz ivicu kolovoza,

7. na kolovozu s dvije saobraćajne trake gdje se saobraćaj odvija u oba smijera,
8. na trgovima i drugim uređenim mjestima za kretanje pješaka,
9. na svim uređenim površinama, parkovima i sl,
10. na parking mjestima sa rezervacijom ukoliko prethodno nije izvršen zakup i
11. na mjestima u neposrednoj blizini kontejnera radi manevrisanja servisnog vozila za odvoz smeća.

V - PREMJEŠTANJE NEPROPISNO ZAUSTAVLJENIH I PARKIRANIH VOZILA

Član 44.

Premještanje nepropisno zaustavljenih ili parkiranih vozila vrši pravno ili fizičko lice koje je za to ovlašteno od strane Ministarstva unutrašnjih poslova ZE-DO kantona.

Premještanje vozila koja su parkirana na javnom parkiralištu za naplatu kao i na rezervisanim parking prostorima vrši Javno preduzeće.

Član 45.

Zaustavljena ili parkirana vozila suprotno oznakama na kolovozu ili saobraćajnim znakovima kojim su određeni način i uvjeti parkiranja, kao i vozila koja su bez odobrenja zaustavljena ili parkirana na parking mjestima sa rezervacijom te vozila koja onemogućavaju obavljanje hitnih interevencija uklonit će vlasnik odnosno korisnik vozila po naredbi ovlaštenog službenog lica policije ili Javnog preduzeća bez odlaganja.

Član 46.

Ukoliko vlasnik odnosno korisnik vozila iz člana 45. nije prisutan ili odbija da premjesti vozilo ovlašteno službeno lice Policijske stanice ili ovlašteno lice Javnog preduzeća odredit će premještanje vozila.

U slučajevima kada parkirano vozilo onemogućava sigurno ili nesmetano odvijanje saobraćaja ili kretanje pješaka, kao i zbog potreba održavanja reda i mira ili druge javne priredbe, ovlašteno službeno lice Policijske stanice će dati nalog za premještanje vozila.

U slučajevima kada nije moguće izvršiti premještanje vozila na pogonske točkove vozila se

stavljaju uređaji za blokadu pogonskih točkova. Troškovi montaže i demontaže uređaja za blokadu pogonskih točkova padaju na teret vlasnika ili korisnika vozila.

Član 47.

Ovlašteno lice po čijem nalogu je izvršeno premještanje vozila, sačinjava poseban zapisnik.

U zapisnik iz prethodnog stava unose se podaci o vozilu (registarski broj, marka, tip i dr.), mjesto sa kojeg se vozilo premješta, razlog premještanja, vrijeme kada je počelo premještanje, te zapažanje o vizuelnom pregledu vozila (da li je vozilo zaključano, postoje li vidljiva oštećenja i koja su to i sl.). Sastavni dio zapisnika su i fotografije sačinjene prije premještanja vozila.

Član 48.

Ako se vlasnik, odnosno korisnik vozila javi u času premještanja (prije podizanja vozila), vozaču će ovlašteno službeno lice izdati prekršajni nalog zbog počinjenog prekršaja uz obavezu korisnika vozila da sam premjesti vozilo bez odlaganja.

Član 49.

Trošak premještanja vozila pada na teret vlasnika ili korisnika vozila. Pored troškova premještanja vozila, vlasnik, odnosno korisnik vozila snosi troškove čuvanja na mjestu određenom za tu svrhu, od momenta premještanja do momenta preuzimanja vozila.

Čuvanje premještenih vozila do časa preuzimanja vozila od strane vlasnika odnosno korisnika vrši ovlašteno fizičko ili pravno lice.

Član 50.

Obavještenje o mjestu na koje je vozilo premješteno vlasnik, odnosno korisnik vozila može dobiti u dežurnoj službi ovlaštenog ovlaštenog pravnog lica.

Član 51.

Prilikom preuzimanja vozila sastavlja se zapisnik o primopredaji koji potpisuje vlasnik, odnosno korisnik vozila i lice koje predaje vozilo.

Zapisnik sadrži podatke o identitetu vozila i vlasnika, odnosno korisnika vozila i vremenu

preuzimanja. Jedan primjerak zapisnika se predaje vlasniku odnosno korisniku vozila.

VI - OSPOSABLJAVANJE KANDIDATA ZA VOZAČE

Član 52.

Praktični dio osposobljavanja kandidata za vozače motornih vozila nije dozvoljeno na užem gradskom području u vremenu od 06⁰⁰ do 08⁰⁰ sati i od 14⁰⁰ do 16⁰⁰ sati.

VII - DJEČIJE IGRE I DRUGE AKTIVNOSTI NA SAOBRAĆAJNICAMA

Član 53.

Nadležna Policijska stanica, uz prethodno mišljenje nadležne Službe određuje u kojim ulicama i u koje vrijeme su dozvoljene dječije igre (klizanje, sankanje, igre sa loptom, voženje na koturaljkama, romobilu, skateboardu, dječijem biciklu i sl.).

Član 54.

Ulice u kojima su dozvoljene dječije igre moraju biti obilježene saobraćajnim znakom i zabranjene su za saobraćaj vozila u vremenu u kojem su dozvoljene dječije igre.

Član 55.

Sportske, kulturne i druge priredbe i aktivnosti na javnoj cesti, ulici i pješačkoj zoni ne smiju se održavati bez odobrenja nadležne policijske stanice uz saglasnost nadležne općinske Službe.

VIII - POSEBNE MJERE SIGURNOSTI

Član 56.

Zabranjeno je vršiti prodaju ili izlagati vozilo za prodaju na ulicama, trgovima, trotoarima ili drugim površinama koje su određene za saobraćaj vozila i kretanje pješaka.

Prodaja i izlaganje vozila može se vršiti samo na mjestu određenom za tu svrhu.

Član 57.

Pranje i opravka vozila na ulicama, trotoarima i drugim saobraćajnim površinama je zabranjeno.

Izuzetno, na licu mjesta se mogu vršiti nužne opravke na vozilu nastale u toku vožnje, samo ako se kvar na drugi način ne može otkloniti, pod uvjetom da se time ne ometa uredno i sigurno odvijanje saobraćaja.

Član 58.

Ako se dio kolovoza ili trotoara ne može koristiti za saobraćaj vozila ili pješaka zbog privremene opasnosti (obrušavanja sa zgrade, skidanje snijega, radovi isl.), izvođač radova dužan je da postavi propisane saobraćajne znakove na oba kraja tog prostora.

Član 59.

Oznake na saobraćajnicama, autobusnim i taxi-stajalištima moraju se obnavljati najmanje dva puta godišnje, i to prvi put najkasnije do 15. aprila, a drugi put najkasnije do 15. septembra u toku godine.

Član 60.

Postavljanje, održavanje i kontrolu saobraćajnih znakova, oznaka na kolovozima i druge opreme za regulisanje saobraćaja vrši Služba za poduzetništvo, društvene djelatnosti, eko-zaštitu i inspeksijske poslove Općine Kakanj, Zavod za planiranje i izgradnju i Policijska stanica Kakanj, svako iz svoje nadležnosti.

IX - KOMISIJA ZA SIGURNOST SAOBRAĆAJA

Član 61.

Radi unapređenja saobraćaja u općini Kakanj, saobraćajno-preventivne aktivnosti i ostvarivanja koordinacije svih organa i organizacija koje obavljaju djelatnosti i bave se pitanjima saobraćaja, obrazuje se Komisija za sigurnost saobraćaja (u daljem tekstu Komisija).

Član 62.

Komisiju iz člana 61. imenuje Općinski načelnik iz reda stručnjaka iz oblasti značajnih za sigurnost saobraćaja te državnih tijela i organizacija i ista broji pet članova.

Član 63.

Komisija iz člana 61. ima sljedeće obaveze:

1. da razmatra pitanja i daje prijedloge za rješavanje saobraćaja u općini Kakanj,
2. da radi na unapređenju saobraćajnog odgoja i osposobljavanja mladih za učestvovanje u saobraćaju,
3. da radi na unapređenju propagandnog i informativnog djelovanja prema učesnicima u saobraćaju,
4. da radi na poticanju razvoja službe pomoći i informisanja na cestama,
5. da radi na provođenju i koordinaciji preventivnih aktivnosti na cestama i vozilima,
6. da ostvaruje saradnju i koordinaciju sa tijelima i organizacijama koje djeluju u oblasti saobraćaja,
7. da razmatra i daje mišljenje na nacrt zakona i drugih propisa kojima se utvrđuju pitanja od značaja za unapređenje saobraćaja,
8. da daje mišljenje na prijedlog za tehničko uređenje saobraćajnica i postavljanje saobraćajne signalizacije,
9. da predlaže konkretne mjere za regulisanje saobraćaja u naseljenim mjestima,
10. da daje mišljenje za određivanje i uređivanje parkirališta,
11. da daje mišljenje u vezi sa rješavanjem problema javnog saobraćaja i prijevoza putnika i
12. da obavlja i druge poslove koji su od interesa za sigurnost saobraćaja.

X – NADZOR**Član 64.**

Nadzor nad provođenjem ove Odluke vršit će nadležna inspekcija Općine Kakanj, Policijska stanica Kakanj i Kantonalna uprava za inspeksijske poslove.

IX - KAZNE NE ODREDBE**Član 65.**

Novčanom kaznom od 500 KM kaznit će se za prekršaj pravno lice ili lice koje obavlja samostalnu privrednu djelatnost, ako:

1. u cestovnom pojasu postavlja znakove, informacije, reklamne panoe, natpise suprotno odredbama člana 10. ove Odluke;

2. ako bez odobrenja suprotno članu 55. organizuju sportske, kulturne i druge priredbe i aktivnosti na javnoj cesti, ulici i pješačkoj zoni;
3. izvodi radove, a nije na odgovarajući način obilježio da se izvode radovu suprotno odredbama člana 58.

Za prekršaje iz prethodnog stava kaznit će se novčanom kaznom od 150 KM odgovorno lice u pravnom licu.

Član 66.

Novčanom kaznom od 100 KM kaznit će se za prekršaj:

1. vozač koji vozi vozilo u zoni koja je označena kao zabrana kretanja suprotno članu 19.;
2. vozač teretnog motornog vozila koji vozi suprotno odredbama člana 20.;
3. vozač koji ostavi oštećeno, dotrajalo ili neregistrovano vozilo na saobraćajnim površinama (član 21.);
4. vozač koji prevozi opasne materije postupajući suprotno članu 23. ove Odluke;
5. vozač autobusa koji vozi suprotno odredbama člana 26.;
6. vozač vozila koji postupi suprotno odredbama člana 29.;
7. vozač koji odbije da ukloni vozilo na traženje ovlaštenog službenog lica (član 45. i član 46. stav 1.);
8. instruktor koji osposobljava kandidata za vozača suprotno članu 52.;
9. lice koje prodaje vozilo suprotno odredbama člana 56.

Član 67.

Novčanom kaznom od 50 KM kaznit će se na licu mjesta za prekršaj:

1. vozač koji vuče neispravno vozilo suprotno članu 22.;
2. vozač autobusa i taksi prevoznik koji zaustavi vozilo suprotno odredbama člana 27.;
3. lice koje parkira vozilo na parkingu namjenjenom za vozila invalidnih lica suprotno članu 38.;
4. vozač koji postupi suprotno odredbama člana 43.;
5. vozač ili drugo lice koje na kolovozu i trotoaru vrši pranje, opravku vozila (član 57.).

Član 68.

Novčanom kaznom od 30 KM kaznit će se na licu mjesta za prekršaj:

1. lice koje po ulicama i cestama užeg gradskog područja nosi predmete suprotno članu 12.;
2. lice koje u dječijim kolicima prevozi djecu kao i lice koje se kreće u invalidskim kolicima ili vozi drugo lice u invalidskim kolicima suprotno članu 13.;
3. lice koje upravlja zaprežnim vozilom ili lice koje goni stoku suprotno članu 24.

Član 69.

Za prekršaj propisa o saobraćaju koji učini maloljetnik kaznit će se novčanom kaznom propisanom za učinjeni prekršaj roditelj, staratelj maloljetnika ako je prekršaj učinjen kao posljedica propuštanja staranja o maloljetniku.

Član 70.

Novčane kazne naplaćene za prekršaje po ovoj Odluci su prihod Općine Kakanj, a koriste se za finansiranje preventivnih aktivnosti u cestovnom saobraćaju (informativno-propagandna aktivnost, unapređenje saobraćajno-tehničke kulture, edukacija mladih u saobraćaju i dr.).

X - ZAVRŠNE ODREDBE**Član 71.**

Danom stupanja na snagu ove Odluke prestaje da važi Odluka o bezbjednosti saobraćaja na putevima općine Kakanj ("Službene novine Općine Kakanj", broj: 1/97) i Odluka o izmjenama i dopunama Odluke o bezbjednosti saobraćaja na putevima općine Kakanj ("Službene novine Općine Kakanj", broj: 2/05).

Član 72.

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

152.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-243/11

Kakanj, 27.09.2011. godine

Na osnovu člana 13. stav 2. tačka 12. Zakona o principima lokalne samouprave u Federaciji Bosne i Hercegovine („Službene novine F BiH“, broj 49/06 i 51/09) i člana 24. stav 1. tačka 14. Statuta Općine Kakanj („Službene novine Općine Kakanj“, broj: 4/08), Općinsko vijeće, na 34. sjednici održanoj 27.09.2011. godine, donijelo je

O D L U K U**o dodjeli petnaestoaprilskih priznanja****Član 1.**

Ovom Odlukom o dodjeli petnaestoaprilskih priznanja utvrđuju se vrste i broj priznanja, kriteriji za dodjelu, način dodjele, organi za sprovođenje postupka, pravo predlaganja, objava javnog poziva, rokovi i druga pitanja vezana za dodjelu najviših općinskih priznanja.

Član 2.

Petnaestoaprilska priznanja se dodjeljuju svake godine u povodu 15. aprila – Dana Općine Kakanj.

Odluku o dodjeli priznanja donosi Općinsko vijeće na prijedlog Komisije za dodjelu petnaestoaprilskih priznanja.

Priznanja se dobitnicima uručuju na svečanoj sjednici Općinskog vijeća koja se održava u povodu Dana Općine Kakanj.

Član 3.

Petnaestoaprilska priznanja dodjeljuju se: državnim organima i državnim institucijama, privrednim društvima, javnim preduzećima, javnim ustanovama, mjesnim zajednicama, udruženjima građana i drugim neprofitnim organizacijama, međunarodnim organizacijama, stranim državama, prijateljskim gradovima, državljanima drugih država, vjerskim zajednicama, građanima i drugim.

Član 4.

Petnaestoaprilska priznanja se dodjeljuju kao znak odavanja priznanja, zahvalnosti i afirmacije za izuzetne i nadprosječne uspjehe u radu i postignutim rezultatima rada u svim oblastima javnog, privrednog i kulturnog života i koji su imali uticaja na razvoj i prosperitet općine Kakanj i njenih građana.

Član 5.

Ovom Odlukom se utvrđuju sljedeće vrste priznanja i broj priznanja za dodjelu:

- a) Grb općine Kakanj - 1 priznanje
- b) Plaketa sa diplomom - 2 priznanja
- c) Zahvalnica - 4 priznanja

Član 6.**a) Grb općine Kakanj**

Grb općine Kakanj se dodjeljuje za:

- izuzetne uspjehe u radu i ostvarenju nadprosječnih rezultata rada i poslovanja,
- ostvarenje pozitivnih ekonomskih rezultata poslovanja i finansijskih pokazatelja,
- povećanje produktivnosti, ekonomičnosti i rentabilnosti poslovanja,
- značajno ostvarenje fizičkog obima proizvodnje i izvršenih usluga,
- povećanje zaposlenosti,
- ostvarenje značajnog izvoza proizvoda i usluga na strana tržišta,
- unapređenje zaštite životne okoline i kvaliteta življenja,
- doprinos u oblasti zdravstva, obrazovanja, kulture i sporta,
- afirmaciju i promociju općine Kakanj,
- postignute rezultate u naučno istraživačkom radu,
- doprinos općini u privrednom razvoju i izgradnji infrastrukturnih objekata,
- u povodu jubileja i značajnih datuma dobitnika priznanja i
- ostvarene rezultate u drugim segmentima društvenog i javnog života.

Član 7.**b) Plaketa sa diplomom**

Plaketa sa diplomom dodjeljuje se za:

- postignute uspjehe u radu i rezultatima rada koji su imali poseban značaj za razvoj općine i društva u cjelini,

- doprinos u odbrani zemlje i očuvanju nezavisnosti Bosne i Hercegovine,
- promociju demokratije i osnovnih ljudskih prava i sloboda čovjeka,
- rezultate poslovanja koji su omogućili veću proizvodnju i pružanje usluga, zapošljavanja i ostvarenje značajnog rasta ekonomskih pokazatelja,
- racionalizaciju, modernizaciju i organizacione promjene koje su rezultirale značajne uštede i postizanje rezultata u odnosu na prethodni period, a što je značajno uticalo na sveukupan razvoj općine,
- kvalitetno i u interesu državnog kapitala i radnika izvršenu privatizaciju,
- na zadovoljstvo građana i ostvarivanje njihovih interesa obezbijeđeni kvalitetni uvjeti rada i pružanja usluga u oblasti obrazovanja, zdravstva, kulture, sporta, socijalne skrbi i u drugim društvenim djelatnostima i
- ostvarene rezultate u njegovanju i poštivanju nacionalnih i vjerskih sloboda građana.

Član 8.**c) Zahvalnica**

Zahvalnica se dodjeljuje za:

- značajan doprinos u odbrambeno - oslobodilačkom ratu „92.-95.“,
- iskazanu i ispoljenu ličnu hrabrost u spašavanju ljudi i materijalnih dobara,
- humanitarni rad i rezultate rada u dobrotvornom radu,
- angažman u stvaranju uvjeta za razvoj u oblasti zdravstva, obrazovanja, kulture, sporta i drugim društvenim segmentima
- iskazane sposobnosti i odlučnosti u razvoju komponente odbrane i zaštite,
- ostvarenje rezultata rada u radnim sredinama i u sredinama u kojima žive,
- doprinos u ostvarenju demokratije, ljudskih prava i slobode čovjeka i
- isticanjem kao pojedinca i u drugim sverama društvenog i javnog života

Član 9.

Priznanja utvrđena ovom Odlukom neće se dodjeljivati pojedincima protiv kojih je pokrenut krivični postupak i koji su pravosnažnom sudskom presudom osuđivani za krivično djelo.

Član 10.

Postupak za dodjelu priznanja provodi Komisija za dodjelu petnaestoaprilskih priznanja.

Komisiju za dodjelu petnaestoaprilskih priznanja imenuje Općinsko vijeće na prijedlog Komisije za izbor i imenovanje na mandatni period Općinskog vijeća.

Komisija za dodjelu petnaestoaprilskih priznanja:

- utvrđuje tekst javnog poziva za dodjelu petnaestoaprilskih priznanja,
- razmatra pristigle prijedloge za dodjelu priznanja i u skladu sa ovom Odlukom sačinjava konačan prijedlog za dodjelu;
- upućuje konačan prijedlog odluke Vijeću na razmatranje i usvajanje.

Komisija za dodjelu petnaestoaprilskih priznanja se sastoji od predsjednika, zamjenika predsjednika i tri člana.

Član 11.

Komisija za dodjelu petnaestoaprilskih priznanja svake godine objavljuje javni poziv za dodjelu priznanja u povodu Dana Općine Kakanj za postignute uspjehe u radu i rezultate rada a u skladu sa kriterijima iz ove Odluke.

Član 12.

Javni poziv za dodjelu petnaestoaprilskih priznanja objavljuje se u elektronskim i štampanim medijima, Web stranici i oglasnoj ploči Općine.

Član 13.

Pravo predlaganja kandidata za dodjelu petnaestoaprilskih priznanja imaju:

- državni organi i državne institucije,
- Općinski načelnik,
- radna tijela Općinskog vijeća,
- privredna društva,
- javna preduzeća i javne ustanove,
- udruženja građana i nevladine organizacije,
- mjesne zajednice,
- vjerske zajednice,
- građani i
- drugi pravni subjekti.

Član 14.

Prijedlozi za dodjelu petnaestoaprilskih priznanja podnose se Komisiji u roku od 15 dana od dana objavljivanja javnog poziva.

Prijedlog iz prethodnog stava treba da sadrži slijedeće:

- prezime i ime i adresu kandidata, odnosno naziv privrednog društva, javnog preduzeća, javne ustanove, udruženja građana, vjerske zajednice ili drugih subjekata koji se predlažu za dodjelu javnih priznanja,
- oblast za koju se predlaže dodjela javnog priznanja,
- obrazloženje prijedloga,
- raspoloživu dokumentaciju.

Član 15.

Stručne i administrativne poslove za potrebe Komisije za dodjelu petnaestoaprilskih priznanja obavlja Stručna služba za poslove Općinskog vijeća.

Član 16.

Stupanjem na snagu ove Odluke prestaje da važi Odluka o petnaestoaprilskim priznanjima („Službene novine Općine Kakanj“, broj 2/06) i Odluka o izmjenama Odluke o dodjeli petnaestoaprilskih priznanja („Službene novine Općine Kakanj“, broj 3/10).

Član 17.

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

153.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-245/11

Kakanj, 27.09.2011. godine

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06), člana 24. Statuta Općine Kakanj („Službene novine Općine Kakanj“, broj: 4/08) i tačke IV Odluke o prihvatanju Programa prijateljskog okruženja sa JP Elektroprivreda BiH“ d.d. Sarajevo („Službene

novine Općine Kakanj“, broj: 1/10), Općinsko vijeće na 34. sjednici održanoj 27.09.2011. godine, donijelo je

O D L U K U

o izmjenama i dopunama Odluke o prioritetnim programima i projektima mjesnih zajednica iz okruženja „Termoelektrane“ Kakanj

Član 1.

U članu 4. Odluke o prioritetnim programima i projektima mjesnih zajednica iz okruženja „Termoelektrane“ Kakanj („Službene novine Općine Kakanj“, broj: 5/10, 2/11 i 8/11) dodaje se nova tačka 2. koja glasi:

„2. Sanacija dijela puta u naseljenom mjestu Kujavče u dužini od 330m“

Član 2.

U članu 5., tačka 5. „Izgradnja kanalizacije i septičke jame u selu Hrasno“ dodaju se riječi:

„i izgradnja i drugog kanalizacionog kraka u dužini od 90m“

Član 3.

U članu 7. dodaju se nove tačke 9, 10, 11. i 12. koje glase:

„9. Izgradnja terena za odbojku na pijesku u parku kod Tvornice cementa Kakanj

10. Sanacija puta u naselju Ravne

11. Rekonstrukcija puta

12. Rekonstrukcija ulice Vehbije Kulovića“

Član 4.

U ostalom dijelu Odluka o prioritetnim programima i projektima mjesnih zajednica iz okruženja „Termoelektrane“ Kakanj ostaje neizmijenjena.

Član 5.

Ova Odluka stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

154.

BOSNA I HERCEGOVINA FEDERACIJA BOSNE I HERCEGOVINE ZENIČKO-DOBOJSKI KANTON OPĆINA KAKANJ

Općinsko vijeće

Broj: 0-01/1-246/11

Kakanj, 27.09.2011. godine

Općinsko vijeće na svojoj 34. sjednici, održanoj dana 27.09.2011. godine, a na osnovu člana 24. Statuta Općine Kakanj („Službene novine Općine Kakanj“, broj: 4/08), člana 6. i 45. stav 1. Zakona o građevinskom zemljištu („Službene novine Federacije BiH“, broj: 67/05) i člana 19. stav 1. Odluke o građevinskom zemljištu („Službene novine Općine Kakanj“, broj: 1/06), donijelo je

O D L U K U

o izmjeni Odluke o davanju saglasnosti za raspisivanje konkursa za dodjelu zemljišta broj: 0-01/1-192/11 od 29.07.2011.godine

Član 1.

Ovom Odlukom u članu 1. Odluke o davanju saglasnosti za raspisivanje konkursa za dodjelu zemljišta broj: 0-01/1-192/11 od 29.07.2011., objavljene u „Sužbenim novinama Općine Kakanj“, broj: 8/11, mijenja se alineja broj 2, tako da glasi:

- k.č.br. 1172 (po starom premjeru k.č.br. 2/410, nastala od k.č.br. 2/156, k.o. Dobojski pašnjak „Luka“ u površini 455 m², k.o. Dobojski i k.č. br. 1173/2 (po starom premjeru k.č. br. 2/410 nastala od k.č.br. 2/156 k.o. Dobojski pašnjak „Luka“ u površini 1728 m², k.o. Dobojski, obe su upisane u el.z.k.ul.br.1498, opštenarodna imovina 1/1.

Član 2.

Ostali članovi Odluke Općinskog vijeća broj: 0-01/1-192/11 od 29.07.2011. godine, ostaju nepromijenjeni.

Član 3.

Ova Odluka stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

155.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinski načelnik

Broj: 0-02/1-3626/11

Kakanj, 06.09.2011. godine

Na osnovu člana 123. stav 3. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10), članova 13. - 16. Uredbe o organizovanju službi zaštite i spašavanja Federacije Bosne i Hercegovine („Službene novine Federacije BiH“, broj: 58/06), člana 10. tačka 3. Pravilnika o organizovanju službi zaštite i spašavanja i jedinica civilne zaštite, njihovim poslovima i načinu rada („Službene novine Federacije BiH“, broj: 77/06), člana 22. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području općine Kakanj („Službene novine Općine Kakanj“, broj: 3/07) i člana 38. i 118. Statuta Općine Kakanj („Službene novine Općine Kakanj“ broj: 4/08), Općinski načelnik donosi

O D L U K U

**o izmjenama i dopunama Odluke o
organiziranju službi zaštite i spašavanja
općine Kakanj**

Član 1.

U članu 3. Odluke o organiziranju službi zaštite i spašavanja općine Kakanj („Službene novine Općine Kakanj“, broj: 7/11), stav 1. tačka 4. „Služba za logistiku“, mijenja se i glasi:

4. „Služba za zaštitu od požara“

Član 2.

Član 7. Odluke o organiziranju službi zaštite i spašavanja općine Kakanj, mijenja se i glasi:

4. Služba za zaštitu od požara formira se pri Udruženju „Vatrogasno društvo Kakanj“

Služba za zaštitu od požara vrši operativne mjere zaštite i spašavanja koje se odnose na

zaštitu šuma i usjeva, stambenih i drugih zgrada i objekata i druge imovine od požara na pogođenom području i to:

- a) u fazi spašavanja
 - organizira dojavu i izvještavanje o mjestima gdje je došlo do pojave požara;
 - utvrđuje pravac kretanja požara i određuje snage i sredstva potrebne za gašenje nastalog (uočenog) požara;
 - određuje najpogodnije pravce kretanja protivpožarnih (vatrogasnih jedinica) do požarišta (mjesta požara);
 - vrši evakuaciju – izmiještanje mašina i uređaja, kao i tovarnih životinja koje se u tom trenutku nalaze na ugroženom području;
 - prema sopstvenim mogućnostima vrši gašenje požara;
 - u toku gašenja požara, saraduje sa drugim snagama angažiranim na gašenju požara;
 - vrši nadzor i organizovanje gašenja požara svih snaga angažiranih na gašenju požara;
 - vrši spašavanje ljudi iz zadimljenih i zapaljenih prostorija i evakuira ljude iz objekata koji se nalaze ispred fronta požara;
 - vrši sprečavanje prenošenja vatre na okolne objekte.
- b) u fazi otklanjanja posljedica:
 - u saradnji sa odgovarajućim komisijama za procjenu šteta, utvrđuje obim nastalih šteta na području koje je zahvaćeno požarom;
 - osigurava prostor na kojem je bio požar, nakon gašenja požara;
 - učestvuje u uklanjanju uništenog rastinja na području koje je zahvaćeno požarom.

Član 3.

Ova Odluka o izmjenama i dopunama Odluke o organiziranju službi zaštite i spašavanja općine Kakanj stupa na snagu danom donošenja a naknadno će biti objavljena u „Službenim novinama Općine Kakanj“.

OPĆINSKI NAČELNIK
Mensur Jašarspahić – Suri, s.r

156.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-251/11

Kakanj, 27.09.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće, na 34. sjednici održanoj 27.09.2011. godine, donijelo je

ODLUKU

**o usvajanju Izvještaja o radu Komisije za
procjenu prometne vrijednosti nekretnina za
2010. godinu**

Član 1.

Ovom Odlukom, usvaja se Izvještaj o radu Komisije za procjenu prometne vrijednosti nekretnina za 2010. godinu.

Član 2.

Sastavni dio ove Odluke je Izvještaj o radu Komisije za procjenu prometne vrijednosti nekretnina za 2010. godinu.

Član 3.

Ova Odluka stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**

Ivica Petrović, s.r

157.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-247/11

Kakanj, 27.09.2011. godine

Na osnovu člana 49. Zakona o pravobranilaštvu („Službene novine Zeničko-dobojskog kantona“, broj: 14/08), člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 34/03) i člana 24. Statuta Općine Kakanj („Službene novine Općine Kakanj“, broj: 4/08) Općinsko vijeće na 34. sjednici održanoj 27.09.2011. godine, donijelo je

ODLUKU

o imenovanju općinskog pravobranioca

Član 1.

Ajanović Vesna, dipl. pravnik iz Kakanja, imenuje se za općinskog pravobranioca Općine Kakanj.

Član 2.

Imenovanje se vrši na period od četiri godine.

Član 3.

Ova Odluka stupa na snagu danom donošenja a naknadno će se objaviti u „Službenim novinama Općine Kakanj“ i „Službenim novinama Federacije Bosne i Hercegovine.“

**PREDSJEDAVALAČI
OPĆINSKOG VIJEĆA**

Ivica Petrović, s.r

158.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-256/11

Kakanj, 27.09.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća („Službene novine Općine Kakanj“, broj: 6/11), razmatrajući zahtjev mještana MZ Slapnica za sazivanje zbora građana, Općinsko vijeće na 34. sjednici održanoj 27.09.2011. godine, donijelo je

ODLUKU**o sazivanju zbora građana u MZ Slapnica****Član 1.**

Općinsko vijeće predlaže da se u periodu od 05.10. do 09.10.2011. godine u organizaciji nadležne općinske službe održi zbor građana MZ Slapnica sa dnevnim redom koji će se utvrditi na samom zboru.

Član 2.

Za realizaciju ove Odluke zadužuje se Služba za opću upravu, lokalnu samoupravu, mjesne zajednice, stambene i zajedničke poslove, Odsjek za lokalnu samoupravu, mjesne zajednice, građanska stanja i matične evidencije.

Član 3.

Ova Odluka stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

159.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-253/11

Kakanj, 27.09.2011. godine

Na osnovu člana 24. i 30. Statuta Općine Kakanj („Službene novine Općine Kakanj“ broj: 4/08), člana 10. Zakona o porezu na promet nekretnina („Službene novine Zeničko-dobojskog kantona“, broj 6/09) i člana 36. i 44. Poslovnika o radu Općinskog vijeća („Službene novine Općine Kakanj“ broj: 6/11), Općinsko vijeće, na 34. sjednici održanoj dana 27.09.2011. godine, donijelo je

RJEŠENJE**o razrješenju Neimarlije Zijada,
člana Komisije za procjenu prometne
vrijednosti nekretnina****Član 1.**

Neimarlija Zijad, član Komisije za procjenu prometne vrijednosti nekretnina Općinskog vijeća imenovan Rješenjem Općinskog vijeća, broj: 0-01/1-203/11 od 29.07.2011. godine („Službene novine Općine Kakanj“ broj: 8/11), razrješava se dužnosti.

Član 2.

Ovo Rješenje stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

160.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-254/11

Kakanj, 27.09.2011. godine

Na osnovu člana 24. i 30. Statuta Općine Kakanj („Službene novine Općine Kakanj“ broj: 4/08), člana 10. Zakona o porezu na promet nekretnina („Službene novine Zeničko-dobojskog kantona“, broj 6/09) i člana 36. i 44. Poslovnika o radu Općinskog vijeća („Službene novine Općine Kakanj“ broj: 6/11), Općinsko vijeće, na 34. sjednici održanoj dana 27.09.2011. godine, donijelo je

RJEŠENJE

o imenovanju Čeliković Ejuba za člana Komisije za procjenu prometne vrijednosti nekretnina

Član 1.

Čeliković Ejub imenuje se za člana Komisije za procjenu prometne vrijednosti nekretnina Općinskog vijeća, na mandatni period od 2 (dvije) godine.

Član 2.

Ovo Rješenje stupa na snagu danom donošenja a objavit će se u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

161.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-242/11

Kakanj, 27.09.2011. godine

Na osnovu člana 24. i 103. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11),

Općinsko vijeće na 34. sjednici održanoj 27.09.2011. godine, donijelo je

ZAKLJUČAK

o utvrđivanju Nacrta odluke o stipendiranju učenika i studenata sa područja općine Kakanj

1. Utvrđuje se Nacrt odluke o stipendiranju učenika i studenata sa područja općine Kakanj i isti upućuje na javnu raspravu.
2. Rok javne rasprave se određuje u trajanju od 30 (trideset) dana a počinje od dana donošenja ovog Zaključka.
3. Za nosioce aktivnosti sprovođenja javne rasprave određuju se Služba za poduzetništvo, društvene djelatnosti, eko-zaštitu i inspekcijske poslove – Odsjek za društvene djelatnosti.
4. Tekst Nacrta odluke o stipendiranju učenika i studenata sa područja općine Kakanj je dostupan u Službi za poduzetništvo, društvene djelatnosti, eko-zaštitu i inspekcijske poslove - Odsjek za društvene djelatnosti (kontakt osoba: Imamović Nermina, tel. 032/ 771-800. Lok. 858), oglasnoj ploči Općine i web stranici Općine Kakanj (www.kakanj.com.ba).
5. Svi učesnici u postupku javne rasprave: učenici i studenti i njihova udruženja, javne ustanove, privredni subjekti, građani, udruženja građana, političke partije i druga zainteresirana lica svoje prijedloge, mišljenja i sugestije u periodu javne rasprave mogu dostaviti u pismenoj formi nosiocima aktivnosti utvrđenim u tački 3. ovog Zaključka.
6. Zadužuje se obrađivač - Služba za poduzetništvo, društvene djelatnosti, eko-zaštitu i inspekcijske poslove - Odsjek za društvene djelatnosti da, po isteku roka javne rasprave, razmotri sve primjedbe, prijedloge, mišljenja i sugestije kao i prijedloge iznesene na 34. sjednici Općinskog vijeća, te da Općinskom vijeću dostavi konačan Prijedlog odluke o stipendiranju učenika i studenata sa područja općine Kakanj sa izvještajem o sprovedenoj javnoj raspravi.
7. Ovaj Zaključak stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

162.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-252/11

Kakanj, 27.09.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 34. sjednici održanoj 27.09.2011. godine, razmatrajući:

Informaciju o problemu ispaše stoke u MZ Seoce

usvojilo je slijedeće

ZAKLJUČKE

1. Da se razmatranje Informacije o problemu ispaše stoke u MZ Seoce odloži za narednu sjednicu Općinskog vijeća,
2. Da se za narednu sjednicu Općinskog vijeća pripremi Informacija sa sastanka predstavnika Općine Kakanj, Ministarstva za poljoprivredu, šumarstvo i vodoprivredu ZE-DO kantona, Policijske stanice Kakanj, MZ Seoce i Kantonalne uprave za inspeksijske poslove, te na sjednici obezbjedi prisustvo svih relevantnih predstavnika.
3. Za realizaciju ovih Zaključaka zadužuje se Služba za poduzetništvo, društvene djelatnosti, eko-zaštitu i inspeksijske poslove, Odsjek za inspekcije.
4. Ovi Zaključci stupaju na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Ivica Petrović, s.r

163.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-255/11

Kakanj, 27.09.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 34. sjednici održanoj 27.09.2011. godine, donijelo je slijedeći:

ZAKLJUČAK

1. Prihvata se Informacija o postupku i proceduri izdavanja urbanističkih saglasnosti i odobrenja za građenje (građevinskih dozvola).
2. Zadužuje se Služba za urbanizam, geodetske i imovinsko-pravne poslove da razmotri na koji način se mogu sniziti troškovi postupka, odnosno procedure iz tačke 1. ovog Zaključka, odnosno mogućnost plaćanja u više rata, te da Općinskom vijeću dostavi prijedlog takvog akta.
3. Sastavni dio ovog Zaključka je Informacija o postupku i proceduri izdavanja urbanističkih saglasnosti i odobrenja za građenje (građevinskih dozvola).
4. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Ivica Petrović, s.r

164.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-257/11

Kakanj, 27.09.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 34. sjednici održanoj 27.09.2011. godine, donijelo je

ZAKLJUČAK

- Općinsko vijeće prihvata Inicijativu JP „Elektroprivreda BiH“ d.d. Sarajevo, ZD Rudnik mrkog uglja „Kakanj“ d.o.o. Kakanj za poravnanje dužničko-povjerilačkih odnosa između ZD RMU „Kakanj“ i Općine Kakanj.
- Za realizaciju ovog Zaključka zadužuju se Općinski načelnik, Uprava ZD RMU „Kakanj“ d.o.o. Kakanj i Uprava JP „Grijanje“ d.o.o. Kakanj.
- Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**

Ivica Petrović, s.r

165.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinski načelnik

Broj:0-02/1-3840/11

Datum, 20.09.2011. godine

Na osnovu javnog poziva za podnošenje prijava za učešće u radu komisija za tehnički pregled građevina i zahvata iz nadležnosti općine, br:0-02/1-1717/11 od 27.07.2011. godine, koji je

objavljen u „Službenim novinama F BiH“, br.49/11 od 03.08.2011 i zapisnika sa prijedlogom, broj 0-02/1-3511-2/11 od 19.09.2011. godine, Komisije za izbor vještaka za rad u komisijama za tehnički pregled građevina i zahvata iz nadležnosti Općine, imenovane rješenjem Općinskog načelnika, br:0-02/1-3511/11 od 29.08.2011. godine, utvrđena je slijedeća

LISTA VJEŠTAKA

za tehnički pregled građevina i zahvata iz nadležnosti Općine

• ARHITEKTURA

	PREZIME, IME OCA I IME	STRUČNA SPREMA	ADRESA STANOVANJA	KONTAKT TELEFON
1.	Bašić (Muhamed) Alma	dipl.ing.arhitekture	Zbilje br.6, Visoko	061 964 981
2.	Dervović (Hamdija) Elma	dipl.ing.arhitekture	Visočkih brigada 36 Visoko	061 703 553
3.	Bjelopoljak (Galib) Asima	dipl.ing.arhitekture	ZPO 56 Kakanj	061 703 252
4.	Avdagić (Mehmed) Berina	dipl.ing.arhitekture	H.Ćemerlića 47 Sarajevo	061 566 314
5.	Neimarlija (Hamdija) Elzana	dipl.ing.arhitekture	Lamela niz C Kakanj	061 412 525
6.	Spaho (Muhamed) Erduan	dipl.ing.arhitekture	Musala br.12 Visoko	061 750 751
7.	Vukojević (Iršam) Amela	dipl.ing.arhitekture	Londža br.90 Zenica	061 703 929

• GRAĐEVINA

	PREZIME, IME OCA I IME	STRUČNA SPREMA	ADRESA STANOVANJA	KONTAKT TELEFON
1.	Pirić (Safet) Almir	dipl.ing.građevine- smjer konstrukcije	Alije Izetbegovića br. 19 Kakanj	061 384 643
2.	Spahić (Hajrudin) Amela	dipl.ing.građevine-	Musala br. 1 Visoko	062 919 688
3.	Purišević (Hamdo) Hasan	dipl.ing.građevine-	Musala br. 1 Visoko	032 739 453
4.	Kulović (Hazim) Mirha	dipl.ing.građevine- hidrotehnika	Selima ef. Merdanovića bb. Kakanj	061 472 148
5.	Neimarlija (Radovan) Mirjana	dipl.ing.građevine-	Omera Maslića 38 Kakanj	061 792 183
6.	Čeliković (Sulejman) Ejub	dipl.ing.građevine- smjer konstrukcije	Alije Izetbegovića S-1 Kakanj	061 253 491
7.	Omerspahić (Safet) Iršam	dipl.ing.građevine- konstrukcije	Armije BiH Zenica	061 153 648

8.	Delibašić (Rešad) Abdulah	dipl.ing.građevine- konstrukcije	Ulica šehida br.7/V Kakanj	061 473 420
9.	Spaho (Husein) Lejla	dipl.ing.građevine- konstrukcije	Musala br.12 Visoko	061 196 660
10.	Mešić (Munib) Ferida	dipl.ing.građevine- konstrukcije	Avde Palića br.41 Sarajevo	061 361 275
11.	Ašlama (Mustafa) Safija	dipl.ing.građevine- konstrukcije	Šadrvan br.6 Visoko	061 583 709

• ELEKTROTEHNIKA

	PREZIME, IME OCA I IME	STRUČNA SPREMA	ADRESA STANOVANJA	KONTAKT TELEFON
1.	Bjelopoljak (Mustafa) Edin	dipl.ing. elektrotehnike	Alije Izetbegovića S-3 Kakanj	061 162 172
2.	Bjelopoljak (Mustafa) Almir	dipl.ing. elektrotehnike – automatika i elektronika	Obre 46. Kakanj	061 783 639
3.	Mešanović (Kadro) Taib	dipl.ing. elektrotehnike	Alije Izetbegovića Niz C Kakanj	062 343 358
4.	Tobudić (Bešlaga) Rejsudin	dipl.ing. elektrotehnike	Alije Izetbegovića S-1 Kakanj	061 528 893
5.	Beus (Tomislav) Dario	dipl.ing. elektrotehnike – automatika	Alije Izetbegovića ST-2 Kakanj	061 787 877
6.	Vejspahić (Hamid) Mustafa	dipl.ing. elektrotehnike – telekomunikacije	Alije Izetbegovića L-3 Kakanj	061 142 996
7.	Delić (Džemal) Sagbera	dipl.ing. elektrotehnike – el. energetika	Osma br. 10 Visoko	062 819 505
8.	Čabrić (Franjo) Ivan	dipl.ing. elektrotehnike	Šehidska br. 9 Kakanj	nije dostavio
9.	Husika (Hasan) Behajija	dipl.ing. elektrotehnike	Zgošća bb Kakanj	061 892 148
10.	Imamović (Ahmet) Ismet	dipl.ing. elektrotehnike	Semira Frašte br.17 Sarajevo	061 702 293
11.	Zaimović (Šerif) Vahid	dipl.ing. elektrotehnike	Osmana Džafića 3A Kakanj	061 262 074

• MAŠINSTVO

	PREZIME, IME OCA I IME	STRUČNA SPREMA	ADRESA STANOVANJA	KONTAKT TELEFON
1.	Husika (Ahmed) Emir	dipl.ing. mašinstva	4. juli 51 Kakanj	061 892 160
2.	Bjelopoljak (Fadil) Hedin	dipl.ing. mašinstva	Bratstva i jedinstva 28 Kakanj	061 745 250
3.	Buza (Derviš) Osman	dipl.ing. mašinstva	ZPO 32 Kakanj	061 177 056
4.	Bečić (Šemsudin) Kemal	magistar mašinstva	Alije Izetbegovića br. 42 Kakanj	061 384 621
5.	Sikira (Ibro) Midhat	dipl.ing. mašinstva	Alije Izetbegovića L 4	061 892 158

6.	Hamzić (Maid) Merhima	dipl.ing. mašinstva	Plandište bb Kakanj	061 747 494
7.	Bajrić (Asim) Senad	dipl.ing. mašinstva	A.Izetbegovića S-1 Kakanj	061 816 429
8.	Hodžić (Dževdo) Nihad	magistar mašinstva	Bijele Vode br.20 Kakanj	061 189 792

• ZAŠTITA NA RADU

	PREZIME, IME OCA I IME	STRUČNA SPREMA	ADRESA STANOVANJA	KONTAKT TELEFON
1.	Zaimović (Ibrahim) Jusuf	dipl.ing. tehnologije	Mokušnice 9A Zenica	061 825 508
2.	Jahjaefendić (Saudin) Lejla	dipl.ing. sigurnosti i pomoći	Urijan dedina 116 Sarajevo	061 804 343

• ZAŠTITA OD POŽARA I EKSPLOZIJE

	PREZIME, IME OCA I IME	STRUČNA SPREMA	ADRESA STANOVANJA	KONTAKT TELEFON
1.	Zaimović (Ibrahim) Jusuf	dipl.ing. tehnologije	Mokušnice 9A Zenica	061 825 508
2.	Jahjaefendić (Saudin) Lejla	dipl.ing. sigurnosti i pomoći	Urijan dedina 116 Sarajevo	061 804 343
3.	Žiga (Nurija) Mustafa	dipl.ing. metalurgije	Ozrakovići br.31 Visoko	061 785 748
4.	Bečarević (Salem) Mufid	prof.odbrane i sigurnosti	B mahala br.63 Visoko	062 187 285
5.	Hodžić (Rasim) Sead	dipl.ing. sigurnosti	Orahovačka br.30 Novi grad Sarajevo	061 903 801
6.	Smajić (Adil) Edin	dipl.ing. sigurnosti	Žunovačka br.140 Hadžići	061 258 282

• GEODEZIJA

	PREZIME, IME OCA I IME	STRUČNA SPREMA	ADRESA STANOVANJA	KONTAKT TELEFON
1.	Čengić (Ahmed) Nezaheta	dipl. ing. geodezije	6. April Breza	061 629 239

• SAOBRAĆAJ

	PREZIME, IME OCA I IME	STRUČNA SPREMA	ADRESA STANOVANJA	KONTAKT TELEFON
1.	Šišić (Zuhdija) Seid	dipl. ing. Saobraćaja	Kočeva 1/II Zenica	061 455 382
2.	Haračić (Ahmed) Rizah	dipl.ing. saobraćaja	Bičer br.52 Kakanj	061 477 921

OPĆINSKI NAČELNIK
Mensur Jašarspahić – Suri, s.r

166.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinski načelnik

Broj:0-02/1-3499/11

Datum, 26.08.2011. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine FBiH, broj: 49/06), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj: 35/05), člana 38. i 118. Statuta Općine Kakanj („Službene novine Općine Kakanj“, broj: 4/08) i Naredbe Ministarstva zdravstva broj: 02-37-20988-1/11. od 24.08.2011.godine, Općinski načelnik, izdaje

N A R E D B U

**o provođenju interventne preventivne
sistematske deratizacije na području Općine
Kakanj za 2011. godinu**

Član 1.

Naređuje se provođenje interventne preventivne sistematske deratizacije na području Općine Kakanj u periodu od 26.08.2011. do 23.09.2011. godine.

Član 2.

Sistematska deratizacija iz tačke jedan ove naredbe obuhvata:

1. Javne i zelene površine u pojasu naselja sa koncentrisanim stanovništvom (gradska naselja),
2. Obale površinskih vodotokova u gradskim i prigradskim zonama,
3. Centralne deponije kao i nezvanična (neorganizirana) smetlišta u gradskim naseljima,
4. Vaspitno-obrazovni i kulturni objekti i njihovi prostori,
5. Kolektivni centri za smještaj i boravak izbjeglih i prognanih lica,
6. Objekti javnih zdravstvenih ustanova,
7. Javne ustanove administrativnog karaktera,

8. Individualne stambene zgrade u privatnom vlasništvu u užim zonama gradskih naselja,
9. Vjerski objekti i groblja u gradskim naseljima,
10. Kanalizacione mreže sa šahtovima i izlivnim kolektorima.

Troškove deratizacije pod rednim brojem od 1 do 9 snose Zeničko-dobojski kanton i Općine iz svojih budžeta, a pod rednim brojem 10. troškove snosi izvođač deratizacije.

Član 3.

Deratizaciju će organizovati i provesti, prema ovjerenom rasporedu, preduzeće "Sanitacija" d.o.o. Sarajevo.

Član 4.

Subjekti koji podliježu provođenju preventivne sistematske deratizacije dužni su obezbijediti nesmetan rad ekipama izvođača bez obzira na parcijalne radove ili ugovore koje posjeduju.

Član 5.

Nadzor i kontrolu provođenja akcije deratizacije vršit će općinski sanitarni inspektor Bašić Selver.

Član 6.

Ova naredba stupa na snagu danom donošenja, a objavit će se u „Službenim novinama Općine Kakanj“.

OPĆINSKI NAČELNIK
Mensur Jašarspahić – Suri, s.r

Bilješke _____

Lined area for notes, consisting of approximately 25 horizontal lines.

Bilješke

Lined area for notes with multiple horizontal lines.

S A D R Ź A J

“SLUŽBENIH NOVINA OPĆINE KAKANJ” BROJ 9/11

151. Odluka o organizaciji i sigurnosti saobraćaja na putevima	1
152. Odluka o dodjeli petnaestoaprilskih priznanja	9
153. Odluka o izmjenama i dopunama Odluke o prioritetnim programima i projektima mjesnih zajednica iz okruženja „Termoelektrane“ Kakanj.....	11
154. Odluka o izmjeni Odluke o davanju saglasnosti za raspisivanje konkursa za dodjelu zemljišta broj: 0-01/1-192/11 od 29.07.2011. godine.....	12
155. Odluka o izmjeni Odluke o organiziranju službi zaštite i spašavanja općine Kakanj	13
156. Odluka o usvajanju Izvještaja o radu Komisije za procjenu prometne vrijednosti nekretnina za 2010. godinu.....	14
157. Odluka o imenovanju općinskog pravobranioca.....	14
158. Odluka o sazivanju zbora građana u MZ Slapnica	15
159. Rješenje o razrješenju Neimarlije Zijada, člana Komisije za procjenu prometne vrijednosti nekretnina.....	15
160. Rješenje o imenovanju Čeliković Ejuba, za člana Komisije za procjenu prometne vrijednosti nekretnina.....	16
161. Zaljučak o utvrđivanju Nacrta odluke o stipendiranju učenika i studenata sa područja općine Kakanj.....	16
162. Zaključci uz Informaciju o problemu ispaše stoke u MZ -i Seoce	17
163. Zaključak o prihvatanju Informacije o postupku i proceduri izdavanja urbanističkih saglasnosti i odobrenja za građenje.....	17
164. Zaključak o prihvatanju inicijative JP „Elektroprivreda BiH“ d.d. Sarajevo, ZD RMU „Kakanj“ za poravnanje dužničko-povjerilačkih odnosa između ZD RMU „Kakanj“ i Općine Kakanj.....	18
165. Lista vještaka za tehnički pregled građevina i zahvata iz nadležnosti Općine.....	18
166. Naredba o provođenju interventne preventivne sistematske deratizacije na području općine Kakanj za 2011. godinu	20